

دینی ، علمی ، ادبی و اجتماعی

محفل

جلد ۵ ۱۳۳۸ سنه ۵

مجمع التلاوة

شیمدیلك عربی آیلری ابتداسنده نشر اولونور .

صارف ، مدیری ، محرری :

ربیع الاخر

۱۳۴۳



جزء

۵۴

شرائط تحریر: اسلامك نفعنه خادم یازیلر مع التشر قبول ونشر اولونور . یازانك شخصیتی دکل ، یازینك ماهیتی نظر دقته آ لینیر . کونده ریله جك آثار اوقوناقلی ومختصرجه یازیلش اولمالیدر . کلن یازیلردن شایان قبول کوروللر تاریخ صیراسیله درج ایدیلیر .

شرائط اشترای: هر سنه نك برنجی وایکجی آلی آیلغندن اعتباراً آبونه قید اولونور . سنه لکی پوسته اجرتیله برابر : ۱۰۰ ، آلی آیلغی : ۵۰ غروشدر . ممالک اجنیه ایچین ۲۰ و ۱۰ غروش علاوه سی لازمدر .

محفل

۱۳۳۸

مجموعه سنك چکن سنه لره عائد وپك چوق معلومات مفیده یی حاوی اولان نسخه لری منتظماً دیکلیمش واوزه درلینه قالین بررقاق کچیرله رك مجلد کتاب حاله کثیریلشدر . خیرالانیس اولانیله جك بونقیس کتابلردن برنجیسنك موجودی بیتمش ، ۷-۱۲ نجی نسخه لری پراکنده اولارق قالمشدر . بهر نسخه سی ۱۰ غروشدر .

۳۴۲ و ۴۰۰ نجی جلدلرک بدلی ده پوسته اجرتیله برابر یوزر غروشدر . طوغرودن طوغرویه اداره خانه یه ۲۰۰ غروش کونده ریلدیکی صورتده هراوج جلدی یوللانیر .

نسخه سی ۱۰ غروشدر .

محفل تاریخی :

اسعد دده افندی مرحوم حقنده :

۵۰ بجی نسخه دن مابعد

ینه او واپور دروننده ایدی که استاد مرحومی
ناصیله قیزدیرمق کستاخلغنده بولومشدم :

خواجه افندیده افاده ، بنده ایسه استفاده
مراقی اولدیغندن شیخ غالبک :

دکانده ، سوقاقده ، هر محله

دیدیکی کبی بزده ترمنده ، واپورده و نروده اولورسه
اولسون اوقومتقدن و اوقومتقدن خالی قالمایوردق .

خواجه نك قویننده حافظ دیوانی ، عبدعاجزده

ایسه مشوی شریفک جلد اولی واردی . مرحوم

اکثریا دیوانی چیقاریر ، اورادن بر غزل تقرر

ایدیر ، بنده فرصت بولدقچه مشوی بی آچار ، برایکی

صحیفه اوقویوب آ کلایامادیغ یرلری استیضاح ایلردم .

یو لیلیق ، بالخاصه حج سفری تأثیریه اولمالی که

بردفعه آرا مزده حافظ و مشوی اوقونماسی خصوصنده

اختلاف چیقدی . ارتجالاً دینه جک بر سرعت

و سهولته عقله کلن :

مولوی یم اعتقادجه بنم مشوی بسدر برای موعظه

یرمک نطق جلیلی و اراکن احتیاج بوق کلام حافظه

قطعه سنی اوقویو و یرمک جرأتی کوستردم .

مرحوم ، شومناستسز لکمی خوش کورمه دی

و بی تأدیب ایتش اولق ایچین باشی چه وروب

دارغینلق ارانه ایتدی .

خواجه بی رنجیده ایتدی کمی آ کلادم واستغای

قصور ایچین بهانه آزامایه باشلادم . فقط یاریم ساعت

کجه مشدی که کندیسلی خطاب و التفاتده بولوندی .

همان اثنی اویدم و عفوی دیلدم . او یله ظن

ایدیورم که عفوی جعلی دکل ، صمیمی ایدی .

چونکه : لسانی قلبنه مغایر اولانلردن و حسی
خلافه سوز سویله ینلردن دکلدی . رحمة الله علیه .

مرحومک بردفعه ده فوق العاده بر تلاشی
کورمشدم :

مدینه منوره نك اسکله سی اولان (ینبع البحر) ده
بولونویور ، و مدینه یه کیده جک قافله نك حرکتی
بکلیوردق .

ینبع البحر ، مدینه اسکله سی و بر قضا سرگزی

علی الخصوص حنا و خرما مخرجی اولدینی حالده

صوسزلق و پیسلک کی مهم ایکی آفتک زبونیدر .

ده وه آیانیله اوچ کونلک مسافه ده واقع

(ینبع النخل) ده جاری صو وارکن و جزئی برهمنده

اورادن ینبع البحره اساله سی قابل ایکن شوامر

خیره تشبث کیمسه نك خاطرینه کلمه مش ، کرک

اهالی ، کرک حجاج ، قازیلان چوقورلره یا غموردن

طوپلانا جق صولری ایچمکه محبور بیراقیلمشدر .

حج موسملرنده غالی قیات ایله ساتیلان بومایعلره

صودیمکدن زیاده چامور و یوصون اطلاق طوغیر و

اوله بیلیر .

پسلکه کلنجه : چو جوقلرک کوز پیکارلرنده

بیریکن سینکیر ، اونلری سیاه کوزلک طاقش ظن

ایتدیر یو یاریم اوققه ات آ لینیرده قیدر یلدقدن صو کرا

طار تدریر یلاجق اولورسه سینکیرک اختلاطندن مطلقا

بر اوققه کلیر .

قافله بکله دیکمز کونلردن برنده آبدست آلمق

ایچین ساحله و قاراتینه دائره سنک اوکنده کی

مردیوه نه اینمشدم . ده کیزده و جذر حالنده بولونان

صولر چکیلش ، مردیوه ندن یه تیشیله مه یه جک

بر سویه یه اینمشدی .

عربلرک آغاچ کوتوکندن او ییق صورتیه

یایدق لری و (حوری) دیدک لری بر قایق ! اورابه

مغزل ادبی :

« آراس » وادیسنه برندا (*)

« ای صبا کریکدزی بر ساحل رودارس
بوسده برخاک آن وادی و شکین کن نفس »
حافظ شیرازی

آراس، ای تورکک الک صادق، مطهر نهری! سن یزدن
نجین برکونده آیرلک یشیل یوردنده چاغلارکن ؟
اوکوندن ، آه اواشکمدن سراپا ایصلانان کوندن
نهچکدم ؟ ایلدم جان عزیزمندن تجرد بن .

صولاق وادیلرک خوش ایرماغم ! کیتمز خیالمدن
نهوادیلردی اونلر ؟ کورمدم هیچ بویه یرلر بن .
خاطرلارسک براقشام اوستی، سن بر شکل مغبرله
آقارکن ، یم یشیل ساحلرک - خونین جسدلرله
طولوب - برقانلی محشر عرض ایدرکن هجرت ایتدک بز
اوکون ریزان اولان یاشلر، نه یاش بیلسهک نهایتسز!
طویاردم برصدا لیلک سیاه ، ابکم ظلالندن
ناصل برمسیدی یارب ؟ تیره دم طوردم جلالندن ؟
کیهک بیلیم اوسس ؟ کویاستیگدر، دوست آراردک سن
ویا برنغمه شفقت رباب سرمدیتدن !!

وزان اولدجه ای باد صبا ! سن اوغرا «توران» ه
آراس نهرنده طور، آه واین ایت، اوپ صمیمانه!
اوفریادکده یزدن سویه ای قیمتی وادیلر !
وطن هجرانکزدن خسته در عرض سلام ایلر .
آقارکن آغلا بوندن صوکره ای شایله شادی !
بتون بلبلرک ایتسین فغان ای صولمایان وادی !

فغانک ، کریه نک زیرا بوکون ماتملی بر آنی
بوکون آه « ارضروم » ک ضبطی تاریخ پریشانی

۳ شباط ۳۳۳

نجی الدیمه مکی

(*) حرب عمومیده ارضرومک سقوطی اناسندم
یازلمش مرثیه

باغلامشدی . ایینی چکدم و حوری به بینوب صو
سطحنه یاقلاشمق ایستدم . آیامی آتار آتماز
قایق ده وریلدی . بن ، ده کیزه دوشدم . پک ایی
یوزمک بیلمزسه ده اوراسنک بوی کجه به چک قدر
صیغلتی اولجه کورمش اولدیغ ایچین تلاش ایتمدم .
آبدست آلاچکن غسل ایتمش اولدم .

خواجه مرحوم ، بتم دوشدیکمی کورمش .
جبه سی بر طرفده ، انتاریسی بر طرفده او چارق
کناره قدر قوشمش ، اوراده چیریشور و امان!
دییه باغیرییوردی . داورانیدیغی و مر دیوه نه
یاقلاشدیغی کوروخجه اورایه کلدی و امدن طوتوب
حیقامه یاردم ایتدی . مابعدی وار

طاهر المولوی

ملا کورائنده کائن پیری محمد پاشا درکاهی پوست نشینی
اولوب ۱ ربیع الاول ۱۳۴۳ تاریخده ارتحال ایدن قدمای
مشایخ سنبله دن السید محمد ذکائی افندی مرحومک
تاریخ ارتحالیدر :

موقوف ایدی اذکار ایلله توحیده وجودی
یمش سنه سرآ وجهار آ دیدی الله
تکبیر ایلله تاریخی سنوح ایلدی قلبه
الله دییه کیتدی ذکائی دل آگاه

۱۳۴۳ سعود المولوی

مرحوم : مرکز افندی درکاهی مشایخندن
محمد نورالدین افندیک اوغوللرندن اولوب ۱۲۷۰
تاریخنده طوغمش و برادری شیخ احمد مسعود
افندی مستخلف بولونمیشدی . ارتحالنده ۷۳ یاشنده
ایدی . قوجه مصطفی پاشاده کائن سنبل افندی
خانقاهنده برمدت پیش قدمک ایتمشدی . دوران
وقعود ذکری اجرا و اداره سنده فوق العاده
اختصاصی واردی . حضرت مرکز تربه سنده برادری
احمد مسعود افندیک قبرینه دفن اولوندی . جناب
حق ، روح رواتنی شاد ایلایه (*)

(*) ادیب خلق حسین وصاف پک افندی طرفندن
یازیلان مقاله دن تلخیص ایدیلشدر .